



文懷沙 ◆ 主編

隋唐文明

第四十三卷

古吳軒出版社

文懷沙 ◆ 主編

隋唐文明

第四十三卷

上海大學「大學叢書」

古吳軒出版社

圖書在版編目(CIP)數據

隋唐文明／文懷沙主編．《隋唐文明》編纂委員會編

蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中

國—隋唐時代 N. Z12.7

中國版本圖書館CIP數據核字(2004)第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明
編：文懷沙
出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

印刷：江蘇淮陰新華印刷廠

本：889×1194 1/16

印張：4027.5

總印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓(全100卷)

隋唐文明

第四十三卷目錄

隋唐雜著叢編三

醫家類

千金寶要六卷

〔唐〕孫思邈撰〔宋〕郭思輯 三

曆算類

緝古算經三卷

〔唐〕王孝通撰 五九

術數類一

開元占經一百二十卷（一）（卷一至八五）

〔唐〕瞿曇悉達撰 八一

隋唐雜著叢編

三



〔唐〕孫思邈撰〔宋〕郭思輯

千金寶要

景印清嘉慶孫氏
刻平津館叢書本

重刻千金寶要序

千金寶要十七卷附論及千金須知爲十八卷宋宣和時郭學士思從孫徵君思邈所撰千金方澤要刻石華州公署自明正統景泰間俱有木石刻本至隆慶六年秦王守中復刊石耀州真人祠四庫書未及收錄余遊關中得其搨本藏笈中按家徵君生於後周卒於唐永淳之代葉夢得避暑錄話稱其作千金前方時已百餘歲後三十年作千金翼段成式酉陽雜俎則謂昆明池龍宮有仙方三千首徵君以救龍得之因上帝不許妄傳復著千金方三十卷每卷入一方千金方本與千金翼方爲二書是以舊唐書本

序

傳止載千金方三十卷晁公武陳振孫書目則云各三十卷今俗本千金翼方九十三卷不知何人更其次第千金前方竟不可別此宣和時擇要本當從前方錄出者龍宮仙方在其內眞世間祕異之書不可不廣其傳以公同志書中謂今俗稱痘瘡爲小兒丹毒又有反花瘡元人奇效良方始謂之痘疹可証俗人謂此疾出於近代者非也蓋死人可救落水死人經一宿猶可活倉卒間不知其方書備其術尤爲濟人之仁術世之從政者不師蓋公獄市勿擾之言惟株累鍛鍊之是務置一切積貯水利農田學校利益於人之事於不問以致損傷元氣感召災殃誠不如

尋覽方書胸中常有活人之念爲善最樂在此不在彼矣嘉慶十二年七月三日 賜進士及第授通奉大夫署山東布政使督糧道加四級陽湖孫星衍撰於藩署之濟性堂

序

刻千金寶要序

千金寶要者宋徽猷閣直學士郭思按唐孫真人先生所集千金方中纂要者也宣和六年思曾刻石于華州公署我明正統八年華州知州劉整重刻景泰六年和州楊勝賢以石刻冬月不便摹印易刊木板往年春予得之喜其方之簡便藥之近易醫不煩而取効速信有切于人之實用迺珍如拱璧不容自秘已命壽之梓矣竊惟寶要纂自真人千金方中天下之遊耀州真人洞者歲無虛日日無虛時顧獨不立石于真人洞前非所以廣其傳也因刻于洞前云隆慶六年歲在壬申春三月上吉秦王守中識

千金寶要序

千金寶要目錄

婦人第一

小兒第二

中毒第三

飲食中毒第四

解百藥毒第五

蛇蝎等毒第六

喉痺金瘡第七

瘡疽癰腫第八

霍亂吐瀉第九

虎犬馬傷第十 針折入肉附

千金寶要目錄

舌耳心目等大小便第十一

中風大風水氣第十二

癰痢瘰等第十三

頭風吐逆第十四

疫癘渴淋第十五

頭面手足瘰癧瘡漏第十六

痔第十七

論

千金寶要目錄終

千金寶要卷之一

賜進士及第授通奉大夫署山東布政使孫星衍校

婦人第一

妊娠難產燒車軋脂內酒中服亦治腹中痛并欬嗽

妊娠忽苦心腹痛燒鹽令赤熱三指撮酒服之立產

又方吞槐子二七箇

又方菟絲子或車前子以酒或米汁服方寸匕卽生

又方水或酒服家中黑塵

子死腹中及小雞橫生倒生難生者半夏白斂各二

兩末之服方寸匕亦可加代赭瞿麥各二兩佳小

難一服橫生二服倒生三服子死四服

千金寶要卷一

又方榆白皮細切煮三升服之

子死衣不出上捨心者急取蟻垤土三升熬之令熱

囊盛熨心良

又方末竈突中墨三指撮水或酒服之

乳無汁者土瓜根末之一服半錢匕日三

衣不出及橫生逆生者小麥小豆煮濃汁飲立出

產三日不出者燒大刀鑿以酒一盞沃之頓服

又方燒藥杵令赤內酒中飲之救死不分晚者

產乳暈絕者製了半夏一兩末之九如大豆內鼻孔

中愈

又方神麴末水服方寸匕

又方合酸醋喫面

子死腹中牛屎塗母腹上立出

胎死腹中服水銀三兩立出

未足月而胎死者以苦酒濃煮大豆一服一升死胎

立出

妊娠時疾子不下竈中黃土水或酒或泔清調塗臍

方寸乾再上

又方酒服車軋脂

又方菰白一把水三升煮熟食菰令盡亦安胎胎死

者卽出

妊娠中蠱燒敗葉皮酒服方寸匕

千金寶要卷一

妊娠傷寒菰白十莖生薑二兩切水三升煮去半服

取汗

產後血不盡煩悶搗生藕取汁飲二升良

產後腹脹痛者煮黍粘根爲飲一服卽愈

五色帶下者煮穢帶汁服一盃良

月水不斷灸內踝下白肉際青脉上隨年壯

又方服地黃酒良或大豆服亦佳

月水不利及無子灸四滿三十壯穴在丹田兩邊相

去各一寸半丹田在臍下二寸

漏下積年困篤者取鵲重巢燒灰末之服方寸匕日

三服三十日愈重巢者連二年鵲產其上者是

產後月水往來多少不定或不通痛小腹急腰身重

白馬尿一升服之良

逆生橫生者鼈下黃土三指撮酒服立出

小兒第二

凡小兒生下不啼者取兒臍帶向身却捋之仍可之

百度亦可以菰白鞭之

浴新生兒以猪膽一箇汁入湯中令兒無瘡疥

小兒生輒死者便覷兒口中懸癰前上脰有胞者急

以指摘取頭決令潰去血勿令血入咽入咽卽殺

兒慎之

小兒臍不合變蜂房灰末傳之

千金寶要卷一

三

小兒中風口噤雀屎如麻子丸之飲下卽愈

兒生三日內朱蜜多則生陰癰朱蜜三日內通得用

三豆許朱蜜後與牛黃亦三豆許除兒百病牛黃

後可與米飲研米作厚飲如豆大與兒三豆許止

日二七日後方哺乳

小兒解顱蒸蛇脫皮末之和猪頰車中髓傳頂上日

三四

小兒肚皮卒然青黑以酒和胡粉傳上若不急治須

臍便死

又方灸臍左右上下各半寸並鳩尾骨下一寸凡五

處各三壯

小兒暴服欲死半夏隨多少微炮之爲末酒丸如粟

米大日三

小兒丹毒搗慎火草絞取汁塗之

小兒赤遊腫若偏身入心腹殺人搗伏龍肝爲末以

雞子白和傳之乾易之

又方白豆末水和傳之勿令乾

又身赤腫起者熬米粉令黑以唾和傳之

小兒傷寒發黃搗土瓜根汁三合服之

又方搗青麥汁服之

又方搗韭根汁澄青滴兒鼻中如大豆許卽出黃水

差

千金寶要卷一

四

小兒霍亂研尿滓乳上服之

又方牛涎灌口中一合

小兒客忤吞麝香大豆許立愈

又方以母月衣覆兒上大良

又方取牛鼻津服之

又方取牛口沫傳乳頭飲之

又方取熱馬屎一丸絞取汁飲兒下便愈亦治嘔啼

面青腹強者

小兒誤吞針取磁石如棗核大吞之或含之其針立

出

誤吞鐵物等艾蒿一把剉以水五升煮取一升半服

之卽下

誤吞髮亂髮燒灰酒服一錢

吞錢艾蒿五兩以水五升煮取一升頓服之卽下

又方末火炭酒服方寸匕水服亦得

又方服蜜二升卽出

吞金銀銀白糖二斤一頓漸漸食之多食益佳

又方吞水銀一兩再服之

吞鐵及指強燒鴈毛二七箇末服鴈毛亦得

吞敘暴非令萎蒸熟勿切食一束卽出或生麥葉筋

縷如非法皆可用但力意多食自消

吞銅鐵而更燒銅弩牙令赤內酒中飲之立愈

千金寶要卷一

五

吞針針及箭簇等但多食脂肪肥肉令飽自裹出

吞針取懸針磁石末飲服方寸匕卽下

小兒尿窻丹初起兩股入臍陰頭皆赤者水二升桑

皮切二升煮取汁浴之良

又方燒李根爲灰以田中流水和傳之良

小兒朱田火丹一日夜卽成瘡先從背漸徧身如棗

大赤者濃煮棘根洗之已成瘡者赤小豆末傳之

小兒野火丹徧身皆赤者用油塗之

小兒葉黃丹初起背徧身如蠟一宿成瘡者煮赤小

豆作末以傳之

小兒廢竈火丹初起足跌正赤色者以棗根煮汁沐

浴五六度自愈

小兒風瘙隱疹心迷悶巴豆二兩以水七升煮取三

升故帛染汁拭之大人加減用之

又方礬石二兩末之酒三升清令消帛染拭病上

又方吳茱萸一升酒五斤煮取一升半帛拭病上

小兒隱疹入腹體強舌乾蕪菁子末酒服方寸匕日

三

又方蚕沙二升水二升煮去渣洗之

又方鹽湯洗了以蓼子按傳之

又方車前子作末傳之

諸丹毒渠中藻菜細切熟搗傳丹上厚三分乾易之

千金寶要卷一

六

又方芸臺菜熟搗厚封之隨手卽消如餘熱氣未愈

但三日內封之使醒醒好差止

五色油丹縛母猪枕頭臥之良

又方牛屎塗之乾則易之

赤流腫搗火麻子水和傳之

又方以羊脂煎了磨之赤黑丹起徧身者殺人

小兒瘡初起燂漿似火瘡熟搗桃仁以麴脂和傳之

亦治徧身赤腫

小兒身體頭面生瘡榆白皮隨多少暴令乾末之醋

和塗瘡以傳瘡上虫自中

小兒丹毒馬齒莧一握搗取汁飲之以滓傳之

又方搗赤小豆五合水和取汁飲之一合長津塗五心

又方濃煮大豆汁塗之良差亦無癰瘰

又方臘月猪脂和釜下土傳之乾則易之

小兒五色丹搗蒟蒻葉傳之

又方薤白一把豉一升以水三升煮取二升分三服

又方柏葉一升麻子末一升以水五升煮三沸百日

兒每服三合

又方搗石榴汁服之

又方亂髮灰鹿角灰等分三歲兒以水和服三錢匕

日二

千金寶要卷一

七

小兒赤白痢單服生地黃汁一合

小兒熱痢煮木瓜葉飲之

小兒冷痢薤葉搗汁量大小飲之一作芥菜

又方搗蒜傳兩足下

小兒暴痢赤小豆末酒和塗足下日三油和亦得

小兒蠱毒痢藍青汁一升二合分爲四服飲之

小兒渴痢搗木瓜汁飲之

小兒頭不生髮椒葉搗汁傳之

小兒癰瘡家中石灰厚傳之

小兒浸淫瘡以竈下黃土髮灰等分末之以猪脂和傳之

小兒疥瘡以臭酥和胡粉傳之

小兒濕癬煎馬尿洗

小兒斑瘡入眼浮萍陰乾爲末以生羊子肝半箇入

蓋內以杖子刺碎沒水半合絞取汁汁食後調下

不甚者一服已傷目者十服見効大人亦可用

小兒赤熱腫目川大黃白礬朴硝等分爲末冷水調

作掩子貼日上

小兒重舌腫起舌下以朴硝研水敷咽喉外其內用

成塊者含涎出乃平

又方地蜋虫和薄荷研汁帛包蘸舌下腫起重舌

極證用指去爪先于舌下筋上擦至根漸深擦如

千金寶要卷一

八

此三次又用指蘸水取項後燕窠小坑中筋自上

趕下至小窟深深擦入三次小兒若欲乳勝前則

病去矣

小兒禿瘡及惡瘡以苦練皮燒灰以猪脂調傳大人

惡瘡亦可用

小兒卵腫偏墜防風牡丹皮等分爲末每服二錢匕

溫酒調服鹽湯亦可

小兒卒客忤以竈中黃土蚯蚓糞等分研細水調塗

兒頭上及五心良

又方米粉鹽等分炒變色腹上摩之

小兒頭瘡經年不差者取屋塵末和油瓶下滓以阜

角湯洗之

小兒頭瘡胡粉一兩黃連二兩末之洗瘡去痂拭乾傳之卽差再發再傳之

禿瘡葶藶子細末先洗傳之

小兒惡瘡熬豉令黃末之傳瘡上不過三傳愈

小兒手足及身腫者以小便溫煖漬之卽愈

又方巴豆五十枚去心皮以水三升煮取一升以絲

內湯中拭病上隨手清并治隱疹

小兒脫肛灸頂上旋毛中三壯卽入

又方灸尾翠骨三壯

又方灸臍中隨年壯

千金寶要卷一

九

小兒疳瘡嚼麻子傳之日六七度

小兒濕瘡濃煮地榆汁洗浴日兩度

小兒尿血燒鵲巢灰并花水服之亦可治尿牀

小兒解頰猪牙頰車髓傳頰上差

小兒風瘙隱疹牛膝末酒服方寸匕漏瘡多年不差

搗末傳之亦治骨疽癰疾癰瘰絕妙

小兒胎寒嘔啼驚癰腹脹不嗜食大便青黃并大人

虛冷或有實不可吐下者馬齒礬一斤燒半日以

棗膏和大人服如梧子二九日三小兒以意減之

以腹內溫爲度

小兒五色丹猪槽下爛泥傳之乾則易之以愈爲度

又方服黃龍湯二合并傳瘡上

小兒赤丹芸臺葉汁服三合滓傳上

小兒赤丹斑駁唾和胡粉從外向內傳之良

又方煅鐵屎爲末以猪脂和傳之

又方屋塵以臘月猪脂和傳之

小兒火丹赤如朱走皮中酢和豉研傳之卽愈

又方搗荏子傳之

又方猪尿水和絞取汁服少許

小兒天火丹赤如丹大如手徧身或痛或癢生麻油

塗之

小兒火丹其瘡見骨者搗小蒜厚封之着足蹀者是

千金寶要卷一

十

小兒殃火丹每着兩脇及腋下者伏龍肝末和油傳

之乾則易之若入腹及陰則以熨火草取汁服之

小兒夜啼不已醫所不治者取狼糞中骨燒作灰末

水服如黍米大二枚其啼卽已

又方取馬骨燒灰傅乳上飲兒卽止

小兒吐痢燒猪尿水解取汁少少服之良

小兒大小便不通灸口兩吻各一壯

又方搗白花胡荽子末煮汁服之

又方雞屎白服一錢匕

又方灸臍下一寸三壯又灸橫紋百壯又灸口兩吻

各一壯

小兒溫瘧鹿角末先發時便服一錢匕

又方灸兩乳下一指三壯

小兒洞注下痢瘕藜子二升搗汁溫服以差爲度

又方木瓜搗汁飲之

又方炒倉米末飲服之

又方酸石榴燒灰服半錢匕日三

又方炒或令焦水淋汁服之神驗冷則酒淋服

小兒赤白帶下薤白一把或一升以水三升煮取一升分三服

又方柏葉一升麻子末一升以水五升煮取三沸百

日兒每服三合

千金寶要卷一

十一

又方搗石榴汁服之

又方亂髮灰鹿角灰等分三歲兒以水和服三錢匕

二

中毒第三

凡卒死無脈無佗形候牽牛臨鼻上二百息牛舐必

差牛不舐鹽汁塗面上卽牛舐

又方牛馬屎絞取汁飲之無新者水和乾者亦得一

法以人溺解之

又方灸熨斗熨兩脇下又治尸厥

魘死慎燈火勿令手動牽牛臨其鼻上卽覺

又方搗韭汁灌鼻孔中劇者灌兩耳一云灌口中

鬼魘不悟末伏龍肝吹鼻中

又方末皂角少大豆許吹鼻中嚏則氣通起死人亦

治中惡

又方灸兩足大指叢毛中二七壯亦救卒死中惡

中惡灸心黃刺鼻孔中血出愈一云入七八寸無苦

使目中血出差一云男左女右

又方使人尿其面上愈

中惡并蠱毒冷水調伏龍肝如雞子大服之必吐

又方溫二升猪肪頓服之

又方車軋脂如雞子大酒服之

又法中惡灸胃管五十壯愈

千金寶要卷一

十二

卒忤中惡也鹽入合以水三升煮取一升半分二服

得吐卽愈若小便不通筆頭七枚燒作灰末水調

服卽通

又方犢子屎半盞酒三升煮服之亦治霍亂一云治

鬼擊又云大牛尿亦可用

又方書墨末之水服一錢匕

又法卒忤死灸十指爪下各三壯又灸人中三壯

又灸肩井百壯又灸間七壯又灸巨闕百壯

卒中鬼擊及刀兵傷血漏腹中煩滿欲絕雄黃粉酒

服一刀圭一日三服血化爲水

鬼擊之狀卒着人如刀刺胸腹絞痛或吐血或口鼻

血出或下血雞屎白如糞大青花麻一把以酒七

升煮取三升熱服須臾發汗不汗熨斗盛火炙兩

脇下熱汗出愈

又方艾如雞子大三枚以水五升煮取二升頓服

又方吹蒜少許鼻中

救自縊死極須按定其心勿截繩徐徐抱解之心下

尚溫者以氈氈覆口鼻兩人吹其兩耳立活

又方僵臥以物塞兩耳竹筒內口中使兩人痛吹之

塞口傍勿令氣出半日死人卽噫噫卽勿吹也

又方搗皂角細辛屑如胡豆大吹之兩鼻中

又方搗藍青汁灌之

千金寶要卷一

三

又方刺雞冠血出滴之口中卽活男雌女雄

又方雞血塗

又方雞屎白如糞大酒半盞灌口及鼻中佳

又方葳蕤吹皂角末兩鼻中逆出更吹乃可

又方梁上塵如大豆各內一小竹筒子中四人各捉

一筒同時吹兩耳兩鼻中卽活

又方尿鼻口眼耳中并捉頭髮如筆管大一撮掣之

立活

又方自縊死灸四肢大節脂大指本文名曰地神各

七壯

熱暈著熱死者取道上熱塵以壅心上若少冷卽易

氣通卽止

又方仰臥喝人熱土壅臍上令人尿之臍中溫卽愈

又方可飲熱湯亦可內少乾薑橘皮甘草煮飲之稍

稍咽勿使飽但以熱土及熬灰土壅臍上佳

又方濃煮蓼取汁三升飲之卽愈如不愈再飲

又方地黃汁一盞卽愈

又方水半盞和麴一大抄服之

又方張死人口令通以暖湯徐徐灌口中小舉死人

頭令湯入腹須臾卽蘇

又方灌地漿一盞卽愈

又方使人噓其心令暖易人爲之

千金寶要卷一

十四

又方抱狗子或雞著心上熨之

又方屋上南畔瓦熱熨心冷易之

救落水死者以竈中灰布地令厚五寸以飯側著灰

上令死人伏于飯上使頭少垂下抄鹽二方寸匕

內竹管中吹下孔中卽當吐水水下因去飯下死

人着灰中壅身使出鼻口卽活

又方掘地作坑熬數斛灰內坑中下死人覆灰溼微

卽易之勿令大熱燂人灰冷更易半日卽活

又方取大飯傾之死人伏其上令死人口臨飯口然

葦火二七把燒飯中當死人心下令煙出小入死

人鼻口中鼻口中水出盡則活火盡則復益之常